

Jaarafsluiting



Heilbron Kliniek Nuus



Op die foto vl: Koos van Niekerk (Snr), Koot Naudé, Pieter Möller, Cassie Muller, Rose Broodryk, Kabous van der Merwe, Johan Stadler en Tommie Esterhuysse.

Saterdag die 5de Oktober het Heilbron Landbou hulle jaarlikse afsluiting gehou. 'n Heerlike spitbraai is gehou en die boereorke Die Nelsons het musiek verskaf. Musiek van toeka tot nou is gespeel waarop die mense heerlijk geskoffel het. Ons gasspreker Pieter Möller het ook weereens nie teleurgestel met sy kwinkslae en woorde van bemoediging nie. Hy het onder andere gesê vra wanneer laas jy iemand 'n drukkie gegee het en gesê het jy lief is vir hulle. Gee drukkie en sê vir jou mense dat jy lief is vir hulle en dat jy omgee.

Die Boerevereniging van die jaar is gewen deur Hoogte en Vegkop Boereverenigings. Johann Stadler het die beoordeling gedoen. Eerbewyse is ook aan Cassie Muller en Koos van Niekerk oorhandig.

Tommie Esterhuysse het ook gesê dat die bekendstelling van die nuwe hersiene beveiligingstrategie aangekondig is.

Agri SA ondersteun die hersiene Landelike Beveiligingstrategie

Agri SA ondersteun die Suid-Afrikaanse Polisie (SAPD) se hersiene Landelike Beveiligingstrategie wat vandag in Louis Trichardt bekend gemaak is. Die strategie beklemtoon weereens die dringende behoefte aan misdadebekämpfung in landelike en boerderygebiede. Indien die polisie die strategie met toegewyding en volharding implementeer, behoort dit 'n groot sukses te wees.

“Die dringende implementering van die strategie deur alle stasiebevelvoerders is noodsaaklik,” sê Tommie Esterhuysse, voorsitter van Agri SA se Sentrum van Uitnemendheid: Landelike Veiligheid. “Indien nie, sal dit bloot 'n uitstekende strategie wees wat op die rak sit en stof versamel.”

Die hoë misdadevlakke affekteer nie net die boer nie maar ook plaaswerkers en die landelike gemeenskap. Dit hou 'n bedreiging in vir stabiliteit in landelike gebiede en die land as geheel, asook 'n risiko vir voedselsekerheid. Die voortdurende aanvalle op boere en plaaswerkers, die hoë vlakke van veediefstal en die vernietiging van plaasinfrastruktuur vereis 'n doeltreffende strategie.

Agri SA beskou die SAPD se Landelike Beveiligingstrategie as die beste voertuig om hierdie kwessies aan te spreek.

“Dit is egter kommerwekkend dat die reservistestelsel, wat die ruggraat van die strategie verteenwoordig, na al die jare nog nie volledig geïmplementeer word nie,” sê Esterhuysse. “Ons doen 'n beroep op die polisie om aktief die reservistestelsel te bevorder en dit moontlik te maak vir die boerderygemeenskap om deel te neem en 'n rol te speel ter beveiliging van hul omgewing. Die polisie moet hul verbind tot die beskikbaarstelling van die nodige hulpbronne vir reservistestelsel.”

Agri SA het nog altyd 'n konstruktiewe werksverhouding met die polisie gehandhaaf, veral wat veiligheid en sekuriteit betref, en wil graag die polisie gelukkigens met die ontwikkeling en finalisering van hierdie strategie.

“Ons glo dat dit die enigste werkbare strategie is wat fokus op die bestryding van plaasaanvalle en die diefstal van vee en plaasinfrastruktuur,” sê Esterhuysse. “Die strategie sal georganiseerde misdaad, veediefstal en die diefstal van nie-ysterhoudende metale, asook oor-grens misdaad, aanspreek. Die daarstelling van snel-reaksiespanne wat vinnig kan reageer op voorvalle van landelike misdaad of voorvalle van 'n geweldadige of georganiseerde aard, word ook verwelkom.”

Agri SA sal alles in sy vermoë doen om met die polisie saam te werk in hierdie verband en sodoende die boergemeenskap help om hulself te beveilig. Die Landelike Veiligheidsstrategie is beskikbaar op die SAPD se webwerf.

Navrae:

Tommie Esterhuysse

Voorsitter van Agri SA se Sentrum van

Uitnemendheid: Landelike Veiligheid

(S) 082 782 0668


Uys van der Westhuijzen

Uitvoerende lid van Agri SA se Sentrum van


Uitnemendheid: Landelike Veiligheid

(S) 083 321 9356


EARLY WARNING SIGNS FOR BREAST CANCER




1. A lump in the breast or armpit




2. A puckering of the skin of the breast




3. An unusual swelling in the armpit



4. An unusual increase in the size of one breast




5. A new dimpling of the nipple



6. A change in the skin around the nipple



7. One breast unusually lower than the other. Nipples at different levels



8. An enlargement of the glands

Het jy geweet?...

Is wiskunde uitgevind of ontdek?

Die feit dat een plus een gelyk is aan twee, of dat daar 'n oneindige aantal primes is, is waarhede oor die werklikheid wat bestaan het nog voordat wiskundiges daarvan geweet het. As sodanig is dit ontdekkings, maar dit is gemaak met behulp van tegnieke wat deur wiskundiges uitgevind is. Volgens Pythagoras se stelling is die vierkant van die skuinssy van 'n reghoekige driehoek byvoorbeeld gelyk aan die som van die vierkante van die ander twee sye. Dit is waar vir alle reghoekige driehoeke op 'n gelyke oppervlak, so dit is 'n ontdekking. Om aan te toon dat dit waar is, verg egter die uitvind van 'n bewys. Wiskundiges het oor eeue honderde verskillende tegnieke bedink wat die stelling kan bewys. Kortom, wiskunde word beide uitgevind en ontdek.

Kompetisie vir Riemland Matriekafskied paartjie vir 2019

Moenie vergeet om jou matriekafskied foto van 2019 vir ons te stuur nie. Indien jy nog nie ingeskryf het nie, skryf nou in en staan 'n kans om met jou gunsteling foto 2 x A2 "canvasse" by Heilbron Herald te wen. Daar is nog een week van die kompetisie oor. Om in te skryf, volg die eenvoudige stappe en hierdie twee "canvasse" is jou en jou metgesel s'n! Stuur jou matriekafskied foto via Facebook-messenger vir die Heilbron Herald Facebook-blad waarna ons dit dan op die blad sal laai en soveel moontlik "likes" gewerf kan word. Foto-inskrywings sowel as "likes" sluit 25 Oktober om 08:00. Geen foto's of "likes" word ná hierdie datum en tyd meer aanvaar nie. Wanneer die foto gestuur word, dui asseblief aan wie die paartjie is - Naam en Van. Die wenner sal in die koerant aangekondig word op 1 November. Vir enige navrae skakel Silma by 058 852 3033. Sterkte aan al die deelnemers!

Bepalings en voorwaardes:

- Die deelnemer moet Heilbron Herald se Facebook-blad volg om te kan inskryf.
- Heilbron Herald sal die kompetisie beoordeel, uit die inskrywings wat ontvang is teen 25 Oktober 2019.
- Heilbron Herald se besluit ten opsigte van diegene wat deelneem en die keuse van die wenner is finaal. Geen korrespondensie met betrekking tot die kompetisie sal aangegaan word nie.
- Slegs die foto's op die Heilbron Herald Facebook-blad se "likes" sal in ag geneem word vir die kompetisie.
- Enige Facebook reaksie tel vir die kompetisie, dit wil sê jy mag: "Like, Love, Haha, Wow, Sad en Angry" gebruik vir die kompetisie.
- Slegs paartjies wat in 2019 'n matriekafskied bygewoon het kan deelneem.
- Die wenner is self verantwoordelik om die prys te kom afhaal by Heilbron Herald Large Format Division en verdere reëlings te tref.

Briewe aan: Redakteur



Die volgende skrywe is ontvang van Heléne Howell van Huis Bron-van-Heilgerig aan die redakteur.

VOEL JY HOOP-LOOS?

By God is daar altyd hoop! Dink aan die man van Gerasa. Dink daaraan wat Jesus vir hom gedoen het. Jesus het hom jammer gekry en was hom genadig. God sê in Joh. 1:16 dat ons almal uit Sy oorfloed, genade op genade kan ontvang!

Genade is God se vergewende krag en genesende Liefde.

Genade is 'n lewensgordel wat God na jou toe uitgooi as die golwe van die hel oor jou wil breek.

Genade is die gom wat die stukke van jou lewe neem en weer saamvoeg tot iets nuut.

Genade is die welkom-matjie by die voordeur van die Vaderhuis.

Genade is die uitveër wat die druipsyfer van jou hopelose probeerslae uitvee en sê God dink nie meer daaraan nie.

Genade is die rubberstempel wat sê klaar betaal! Die rekening is vereffen.

Genade is al wat oorbly wanneer dit lyk asof daar geen môre gaan wees nie.

Genade is alles wat God jou gee gratis. En

God se Genade is ook vir jou genoeg, al beleef jy jou lewe en toestand as miskien hoop-loos!

WAT IS VIR GOD MOEILIK?

Al Lingren, 'n professor by Garrett Theological Seminary, vertel dat hy eenkeer sy tienerseun op 'n hengeltog geneem het. Terwyl hulle in die boot sit en gesels, vra sy seun skielik: "Pa, wat is die moeilikste ding wat God nog ooit probeer doen het?" Die professor sê dat hy nie dadelik 'n antwoord gereed gehad het nie, en toe maak hy maar soos die meeste pa's en vra: "Wat dink jy?" Die seun antwoord: "Sedert ek wetenskap in die skool geneem het, het ek gedink die skepping was seker die moeilikste, by die Sondagskool het ons nou die dag oor die wonderwerke gepraat, en toe het ek gedink die opstanding was dalk die moeilikste van alles. Maar toe ek nog weer daaroor dink, het ek besluit dat die moeilikste ding van alles vir God was seker om ons te laat verstaan wie Hy is, en dat Hy vir ons lief is, om Sy Seun vir ons laat sterf het vir ons sonde". Prof. Al Lingren was beïndruk met sulke wysheid, van 'n kind!" - Ingestuur deur Heléne Howell